

**Aningaasarsianit akileraarutit pillugit Inatsisartut inatsisaata allannguutissaatut
Inatsisartut inatsisaat nr. 1, 18. april 1991-imeersoq**

§ 1

Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi, kingullermillu Inatsisartut inatsisaatigut nr. 15, 18. oktober 1990-imeersukkut allanngortinneqartumi makku allannguutigittinneqassapput:

1. § 3, imm. 3 imatut allanneqassaaq:

"Imm. 3. Selskabinik suliffeqarfinillu, Kalaallit Nunaanni atortussiassat aatsitassanit pisut il.il. pillugit inatsit naapertorlugu aatsitassanik iluaqutiginninniarsinnaanermut akuersissuteqarfigineqarsimasunik akileraarusersuineq, aatsitassarsiornissamut pisinnaatitaaffeqalersup akuersissutaani aalajangersakkat malillugit, atorunnaassaaq."

2. § 17-ip kingornatigut ilanngunneqassaaq:

"§ 17 A. Akileraartartumut, Kalaallit Nunaanni aatsitassanik iluaqutiginninniarluni sulliviutilinnut sanilliullugu aatsitassanik suliareqqiilluni nioquttissiorfimmik ingerlataqartumut, aatsitassanik iluaqutiginninniarnermut atatillugu piiarneqartunik suliareqqiinissamut atortorissaarutit toqqaannartumik pisiarinqartut nalingisa 10 %-ii tikillugit immikkut ittunik ilanngaateqartitsinissamut naalakkersuisut maleruagassiorsinnaapput."

3. § 20-p kingornatigut ilanngunneqassaaq:

"§ 20 A. Selskabit suliffeqarfiillu, Kalaallit Nunaanni atortussiassat aatsitassanit pisut il.il. pillugit inatsit naapertorlugu iluaqutiginninniarsinnaanermut akuersissuteqarfigineqarsimasut, aningaasarsiamik akileraaruteqaataasussat naatsorsorneranni aningaasat, akuersissut malillugu piiiaajunnaanermut atatillugu saliinissaq aningaasatigut qulakkeerniarlugu immikkoortinneqarsimasut ilanngaatisinnaavaat.

Imm. 2. Ilanngaateqarsinnaanermut piunasaqaataavoq qularnaveeqqusiinermut il.il. atugassarititaasut akuersissummi aalajangersarneqarsimasut naammassineqarsimanissaat.

Imm. 3. Kingusinnerusukkut paasineqarpat saliinissamut aningaasartuutit ilanngaatigineqarsimasut angivallaartut, taava ilanngaatigivallaarsimasat ukiumi ilanngaataavallaarsimasut paasineqarfimminni akileraaruserneqassapput.

Imm. 4. Aatsitassarsiornissamut pisinnaatitaaffeqartup akileraartussaanera kipippat ilanngaataavallaarsimasut imm. 3-mi taaneqartut kingusinnerpaamik akileraaruserneqassapput piffissami akileraartussaanerup kipinerani."

4. § 21-mi imm. 8-tut ilanngunneqassaaq:

"Imm. 8. Akileraartartumut, Kalaallit Nunaanni atortussiassat aatsitassanit pisut il.il. pillugit inatsit

naapertorlugu ujarlernissamut imaluunniit iluaqutiginninniarsinnaanermut akuersissuteqarfigineqarsimasumut, imm. 1-imi oqaaseqatigiit siulliat, amigartoorutit ilanngaatigineqarsinnaanerisa ukiunut tallimanut killilerneqarnerannik imaqartoq, atuutinngilaq."

5. § 22, imm. 3 imatut allanneqassaaq:

"Imm. 3. Akileraartartumut, Kalaallit Nunaanni atortussiassat aatsitassanit pisut il.il. pillugit inatsit naapertorlugu ujarlernissamut imaluunniit iluaqutiginninniarsinnaanermut akuersissuteqarfigineqarsimasumut, akuersissummi toqqavillugu ingerlatassatut suliasatut pineqartunut imm. 1 aamma 2 atortuutinneqassanngillat."

6. § 33, imm. 2 imatut allanneqassaaq:

"Imm. 2. Imm. 1-mi taaneqartutut atassuteqarfik kommunet aggornerisa avataanniippat, imaluunniit akileraartartoq Kalaallit Nunaanni atortussiassat aatsitassanit pisut il.il. pillugit inatsit naapertorlugu aatsitassanik iluaqutiginninniarsinnaanermut akuersissuteqarfigineqarsimappat, taava Akileraartarnermi Pisortaarfik kommunetut akileraarfissatut isigineqassaaq. Taamatuttaaq akileraartartunut, Kalaallit Nunaanni atortussiassat aatsitassanit pisut il.il. pillugit inatsit naapertorlugu ujarlersinnaanermut sulliviuteqarsinnaanermullu akuersissuteqarfigineqarsimasunut kiisalu akileraartartut § 22, imm. 3-mi taaneqartut Akileraartarnermi Pisortaarfik kommunetut akileraarfissaattut isigineqassaaq."

7. § 82, imm. 5 imatut allanneqassaaq:

"Imm. 5. Selskabit suliffeqarfiillu, Kalaallit Nunaanni atortussiassat aatsitassanit pisut il.il. pillugit inatsit naapertorlugu pisinnaatitaaffeqartut aningaasarsianit akileraarutaat, tamatumani ilaallutik iluanaarutisianit akileraarutit, landskasep tuttassapput. SS-it 65 aamma 68 naapertorlugit aningaasarsianit iluanaarutisianillu akileraarutitut ernialionneqartartut tapilionneqartartullu taamatulli landskassemut tuttarlutillu landskassemitt akilerneqartassapput."

§ 2

Imm. 1. Inatsisartut inatsîsaat 1. maj 1991-imi atuutilissaaq.

Imm. 2. § 1, nr. 3-mi, 4-mi aamma 6-mi aalajangersakkat ukioq aningaasarsiorfik 1991 aallarnerfigalugu atuutilissapput.

Namminersornerullutik Oqartussat, ulloq 18. april 1991.

Lars Emil Johansen

/

Emil Abelsen